



МОНГОЛ УЛСЫН
МЭДЭЭЛЭЛ
№38 /707/

ҮЙНШЛАГА

ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

Монгол Улсын
Эргийн газрын
тогтоол

479

Сургалтын төлбөрийн
талаар авах зарим арга
хэмжээний тухай

Монгол Улсын
Эргийн газрын
тогтоол

480

Орон сууцны хорооллын
санхүүжилтийн тухай



**ГАРЧИГ****МОНГОЛ УЛСЫН ЗАСГИЙН ГАЗРЫН ТОГТООЛ**

361.	Тогтоолын хавсралтад өөрчлөлт оруулах тухай	Дугаар 241	1477
362.	Тэмцээн зохион байгуулах тухай	Дугаар 242	1478
363.	Тогтоолын хавсралтад өөрчлөлт оруулах тухай	Дугаар 244	1478
364.	Сургалтын төлбөрийн талаар авах зарим арга хэмжээний тухай	Дугаар 245	1479
365.	Орон сууцны хорооллын салхүүжилтийн тухай	Дугаар 246	1480
366.	Журам батлах тухай	Дугаар 247	1481

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 7 дугаар
сарын 27-ны өдөр

Дугаар 241

Улаанбаатар
хот

**Тогтоолын хавсралтад өөрчлөлт
орлуулах тухай**

Монгол Улсын Засгийн газраас ТОГТООХ нь:

Засгийн газрын 2008 оны 25 дугаар тогтоолоор баталсан "Нийгмийн эмзэг бүлэгт хоол, тэжээлийн дэмжлэг үзүүлэх дэд хөтөлбөр"-ийн "Хоёр" дахь хэсгийн 2.2-т "2010-2011" гэснийг "2010-2012" гэж өөрчилсүгэй.

**МОНГОЛ УЛСЫН
ЕРӨНХИЙ САЙД**

С.БАТБОЛД

**НИЙГМИЙН ХАМГААЛАЛ,
ХӨДӨЛМӨРИЙН САЙД**

Т.ГАНДИ

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 7 дугаар
сарын 27-ны өдөр

Дугаар 242

Улаанбаатар
хот

Тэмцээн зохион байгуулах тухай

Биеийн тамир, спортын тухай хуулийн 7.1.5-д заасныг үндэслэн Монгол Улсын Засгийн газраас ТОГТООХ нь:

1. Дараахь олон улсын тэмцээнийг 2012 онд Монгол Улсад зохион байгуулахаар тогтоосугай:

-“Чингис хаан-2012” жүдо бөхийн дэлхийн цомын аварга шалгаруулах тэмцээн;

-Чөлөөт бөхийн А зэрэглэлийн олон улсын нээлттэй тэмцээн;

-Азийн аварга шалгаруулах хүндийн өргөлтийн тэмцээн;

-Азийн аварга шалгаруулах мотоциклийн бартаат замын тэмцээн;

-Азийн залуучуудын сагсан бөмбөгийн тэмцээн;

-Азийн оюутны эмэгтэйчүүдийн волейболын тэмцээн.

2. Дээрх арга хэмжээний зардлыг 2012 оны төсвийн багцдаа тусган санхүүжүүлж, тэмцээний бэлтгэлийг бүрэн хангуулж, зохион байгуулах арга хэмжээ авахыг Эрүүл мэндийн сайд С.Ламбаад даалгасугай.

МОНГОЛ УЛСЫН
ЕРӨНХИЙ САЙД

С.БАТБОЛД

ЭРҮҮЛ МЭНДИЙН САЙД

С.ЛАМБАА

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 8 дугаар
сарын 17-ны өдөр

Дугаар 244

Улаанбаатар
хот

Тогтоолын хавсралтад өөрчлөлт оруулах тухай

Хонцсормын тухай хуулийн 6.1.1-д заасныг үндэслэн Монгол Улсын Засгийн газраас ТОГТООХ нь:



"Концессын зүйлийн жагсаалт батлах тухай" Засгийн газрын 2010 оны 7 дугаар сарын 21-ний өдрийн 198 дугаар тогтоолын хавсралтын 107 дахь заалтыг хүчингүй болсонд тооцугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**МОНГОЛ УЛСЫН САЙД,
ЗАСГИЙН ГАЗРЫН ХЭРЭГ
ЭРХЛЭХ ГАЗРЫН ДАРГА**

Ч. ХҮРЭЛБААТАР

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 8 дугаар
сарын 17-ны өдөр

Дугаар 245

Улаанбаатар
хот

Сургалтын төлбөрийн талаар авах зарим арга хэмжээний тухай

Хүний хөгжил сангийн тухай хуулийн 17.1.4-т заасныг үндэслэн Монгол Улсын Засгийн газраас **ТОГТООХ** нь:

1. 2011-2012 оны хичээлийн жилд их, дээд сургууль, коллежид суралцагчийн сургалтын төлбөрт 491.960 (дөрвөн зуун ерэн нэгэн мянга есөн зуун жаран) төгрөгийг 2012 оны 1 дүгээр сараас тооцож олгоход шаардагдах зардлыг Хүний хөгжил сангийн тухай хуульд нийцүүлэн Монгол Улсын 2012 оны төсвийн төсөлд тусгах арга хэмжээ авахыг Боловсрол, соёл, шинжлэх ухааны сайд Ё.Отгонбаяр, Сангийн сайд С.Баярцогт, Нийгмийн хамгаалал, хөдөлмөрийн сайд Т.Ганди нарт даалгасугай.

2. Сургалтын төрийн сангаас сургалтын төлбөрийн зээл, буцалтгүй тусламж олгохдоо 2011 оны 9-12 дугаар сараар тооцохыг Боловсрол, соёл, шинжлэх ухааны сайд Ё.Отгонбаярт даалгасугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**БОЛОВСРОЛ, СОЁЛ,
ШИНЖЛЭХ УХААНЫ САЙД**

Ё.ОТГОНБАЯР

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 8 дугаар
сарын 17-ны өдөр

Дугаар 246

Улаанбаатар
хот

Орон сууцны хорооллын санхүүжилтийн тухай

Монгол Улсын Хөгжлийн банкны тухай хуулийн 7.1.3, 16.2, "Шинэ бүтээн байгуулалт" дунд хугацааны зорилтот хөтөлбөр батлах тухай Улсын Их Хурлын 2010 оны 36 дугаар тогтоолыг тус тус үндэслэн Монгол Улсын Засгийн газрын 2008-2012 оны үйл ажиллагааны хөтөлбөрийг хэрэгжүүлэх зорилгоор Монгол Улсын Засгийн газраас ТОГТООХ нь:

1. "Шинэ яармаг" орон сууцны цогцолбор хорооллыг барихад шаардагдах санхүүгийн эх үүсвэрийг бүрдүүлэх зорилгоор БНХАУ-ын Экспорт-импорт банкинд 300 тэрбум төгрөгийн зээлийн баталгааг өөрийн нэрийн өмнөөс 12 жилийн хугацаатай гаргахыг Монгол Улсын Хөгжлийн банк (Ч.Хашчулуун)-нд зөвшөөрсүгэй.

2. Зээлийн баталгааны эрсдэлийг бууруулах үүднээс төслийн ерөнхий гүйцэтгэгчээс гүйцэтгэлийн баталгаа гаргуулан, зээлийн эргэн төлөлт, санхүүгийн хариуцлагын талаар гэрээ байгуулан байнгын хяналт тавьж, нийт мөнгөний урсгалыг Хөгжлийн банкаар дамжуулах арга хэмжээ авч ажиллахыг Хөгжлийн банк (Ч.Хашчулуун)-нд үүрэг болгосугай.

3. Энэхүү тогтоолын хэрэгжилтэд хяналт тавьж ажиллахыг Монгол Улсын сайд, Засгийн газрын Хэрэг эрхлэх газрын дарга Ч.Хүрэлбаатарт даалгасугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**ЗАМ, ТЭЭВЭР, БАРИЛГА,
ХОТ БАЙГУУЛАЛТЫН САЙД**

Х.БАТТУЛГА

**МОНГОЛ УЛСЫН САЙД,
ЗАСГИЙН ГАЗРЫН ХЭРЭГ
ЭРХЛЭХ ГАЗРЫН ДАРГА**

Ч.ХҮРЭЛБААТАР

МОНГОЛ УЛСЫН ЗАСГИЙН ГАЗРЫН ТОГТООЛ

2011 оны 8 дугаар
сарын 17-ны өдөр

Дугаар 247

Улаанбаатар
хот

Журам батлах тухай

Малын удмын сан, эрүүл мэндийг хамгаалах тухай хуулийн 4.2.2, 4.2.8-д заасныг үндэслэн Монгол Улсын Засгийн газраас ТОГТООХ нь:

1. "Шүлхий өвчнөөр эрүүл-вакцин хэрэглэдэггүй бүс, хяналтын бүс, шүлхий өвчнөөр тайван-вакцин хэрэглэдэг бүс тогтоох, уг бүсүүдэд мал эмнэлэг, хорио цээрийн үйл ажиллагаа явуулах журам"-ыг хавсралт ёсоор баталсугай.

2. Баян-Өлгий, Баянхонгор, Говь-Алтай, Завхан, Хөвсгөл, Увс, Ховд аймгийг шүлхий өвчнөөр эрүүл-вакцин хэрэглэдэггүй бүсэд, Архангай, Булган, Өвөрхангай, Орхон аймгууд, Өмнөговь аймгийн Гурвантэс, Ноён, Сэрвэй сумдыг хяналтын бүсэд, Дорнод, Сүхбаатар, Хэнтий, Дорноговь, Сэлэнгэ, Дархан-Уул, Төв, Дундговь, Говьсүмбэр, Төв аймаг, Өмнөговь аймгийн Гурвантэс, Ноён, Сэрвэй сумаас бусад сумд, Улаанбаатар хотыг шүлхий өвчнөөр тайван-вакцин хэрэглэдэг бүсэд тус тус хамруулсугай.

3. Бусад бүсээс мал, амьтан, тэдгээрийн гаралтай түүхий эд, бүтээгдэхүүнийг шүлхий өвчнөөр эрүүл-вакцин хэрэглэдэггүй бүсэд нэвтрэхээс сэргийлэх зорилгоор Завхан, Архангай аймгийн зааг "Солонготын даваа", Өвөрхангай аймгийн Нарийнтээл сумын төв, Булган аймгийн Хутаг-Өндөр сумын "Гуртын гүүр", Төв аймгийн Лүн сумын "Гүүрний ам"-нд хяналтын цэг тус тус байгуулахыг Булган, Өвөрхангай, Архангай, Төв аймгийн Засаг дарга нарт даалгасугай.

4. Хяналтын цэг байгуулахтай холбогдон гарах зардлыг 2011 оны төсвийн багцдаа багтаан санхүүжүүлэхийг Хүнс, хөдөө аж ахуй, хөнгөн үйлдвэрийн сайд Т.Бадамжунайд даалгасугай.

5. Дээрх бүсүүд болон хяналтын цэгт мал эмнэлэг, хорио цээрийн арга хэмжээг хэрэгжүүлэхтэй холбоотой үйл ажиллагааны зардлыг жил бүр улсын болон орон нутгийн төсөвт тусган санхүүжүүлж байхыг Хүнс, хөдөө аж ахуй, хөнгөн үйлдвэрийн сайд Т.Бадамжунай, Сангийн сайд С.Баярцогт, аймаг, нийслэлийн Засаг дарга нарт, энэхүү тогтоолын хэрэгжилтэд хяналт тавьж ажиллахыг Монгол Улсын Шадар сайд М.Энхболд, Засгийн газрын хэрэгжүүлэгч агентлаг-Мал эмнэлэг, үржлийн газрын дарга П.Дамдиндорж нарт тус тус үүрэг болгосугай.



6. Шүлхий өвчнийг устгах талаар авч байгаа арга хэмжээний ач холбогдлыг малчдад сурталчилж, малын өвчнөөс урьдчилан сэргийлэх, эмчлэн эдгэрүүлэх ажлыг зохион байгуулахад хариуцлагагүй хандаж цаг хугацаа алдах явдлыг бүх шатанд таслан зогсоох талаар холбогдох арга хэмжээ авахыг Хүнс, хөдөө аж ахуй, хөнгөн үйлдвэрийн сайд Т.Бадамжунай, аймаг, нийслэлийн Засаг дарга нарт даалгасугай.

**МОНГОЛ УЛСЫН
ЕРӨНХИЙ САЙД**

С.БАТБОЛД

**ХҮНС, ХӨДӨӨ АЖ АХУЙ,
ХӨНГӨН ҮЙЛДВЭРИЙН САЙД**

Т.БАДАМЖУНАЙ

Засгийн газрын 2011 оны 247 дугаар
тогтоолын хавсралт

**"ШҮЛХИЙ ӨВЧНӨӨР ЭРҮҮЛ-ВАКЦИН ХЭРЭГЛЭДЭГҮЙ БҮС,
ХЯНАЛТЫН БҮС, ШҮЛХИЙ ӨВЧНӨӨР ТАЙВАН-ВАКЦИН
ХЭРЭГЛЭДЭГ БҮС ТОГТООХ, УГ БҮСҮҮДЭД МАЛ ЭМНЭЛЭГ,
ХОРИО ЦЭЭРИЙН ҮЙЛ АЖИЛЛАГАА ЯВУУЛАХ ЖУРАМ"**

Нэг. Нийтлэг үндэслэл

1.1. Монгол Улсын нутаг дэвсгэрт мал, амьтны гоц халдварт шүлхий өвчнөөр эрүүл-вакцин хэрэглэдэггүй бүс, хяналтын бүс, шүлхий өвчнөөр тайван-вакцин хэрэглэдэг бүс тогтоох, уг бүсэд мал эмнэлэг, хорио цээрийн арга хэмжээ авч хэрэгжүүлэхтэй холбоотой харилцааг энэхүү журмаар зохицуулна.

1.2. Шүлхий өвчнөөр эрүүл-вакцин хэрэглэдэггүй бүс, хяналтын бүс, шүлхий өвчнөөр тайван-вакцин хэрэглэдэг бүсийг тогтоохдоо Дэлхийн мал, амьтны эрүүл мэндийн байгууллага (цаашид "ДМАЭМБ" гэх)-аас баталсан "Хуурай газрын мал, амьтны эрүүл мэндийн код"-ын 8.5-д заасныг удирдлага болгоно.

1.3. Энэ журмын 2.1.1-2.1.3-т заасан бүсэд шүлхий өвчин гарсан тохиолдолд Засгийн газрын 2008 оны 305 дугаар тогтоолоор баталсан "Малын гоц халдварт өвчний оношийг баталгаажуулах, хорио цээр, хязгаарлалтын бүс тогтоох, уг бүсэд үйл ажиллагаа явуулах журам"-ыг баримтлан ажиллана.

1.4. Энэхүү журамд хэрэглэсэн нэр томъёог дор дурдсанаар ойлгоно:

1.4.1. "ариутгал, халдваргүйжүүлэлт" гэж мал, амьтан, тэдгээрийн тоног хэрэгсэл, хашаа, хороо болон хүн, эд юмаар шүлхий өвчний үүсгэгч дамжин тархахаас сэргийлэхэд чиглэсэн иж бүрэн арга хэмжээг;

1.4.2. "шүлхий өвчнөөр эрүүл-вакцин хэрэглэдэггүй бүс" гэж шүлхий өвчний байнгын тандалт, шинжилгээ хийгддэг, вакцин таригдаагүй, эрүүл мал бүхий нутаг дэвсгэрийг;

1.4.3. "хяналтын бүс" гэж шүлхий өвчнөөр эрүүл-вакцин хэрэглэдэггүй болон шүлхий өвчнөөр тайван-вакцин хэрэглэдэг бүсүүдтэй хил залгаа орших эрүүл мал бүхий вакцин хэрэглэдэггүй завсрын нутаг дэвсгэрийг;

1.4.4. "шүлхий өвчнөөр тайван-вакцин хэрэглэдэг бүс" гэж өмнө нь шүлхий өвчний голомттой болон шүлхий өвчин гарсны улмаас өвчлөмтгий мал сүргийг жил бүр вакцин хэрэглэж дархлаажуулалтад хамруулдаг, мал эмнэлэг, хорио цээрийн иж бүрэн арга хэмжээг хэрэгжүүлдэг мал бүхий нутаг дэвсгэрийг.

Хоёр. Бүс болон хяналтын цэг тогтоох

2.1. Бүс (цаашид "бүс" гэх)-ийг дараахь байдлаар ангилна:

2.1.1. шүлхий өвчнөөр эрүүл-вакцин хэрэглэдэггүй бүс;

2.1.2. хяналтын бүс;

2.1.3. шүлхий өвчнөөр тайван-вакцин хэрэглэдэг бүс.

2.2. Энэхүү журмын 2.1.2, 2.1.3-т заасан бүсээс мал, амьтан, тэдгээрийн гаралтай түүхий эд, бүтээгдэхүүнийг 2.1.1-д заасан бүсэд нэвтрүүлэхээс сэргийлэх зорилгоор улсын болон орон нутгийн чанартай төв замд хорио цээр, хяналт, ариутгал халдваргүйжүүлэлтийн цэг (цаашид "хяналтын цэг" гэх)-ийг байгуулна.

2.3. Бүсийн зааг болон хяналтын цэг байгуулах газрыг шүлхий өвчний гаралт, эрсдэл, тархалтын нөхцөл байдал, зорилтот болон тандан судалгаа, лабораторийн шинжилгээний дүн, ДМАЭМБ-ын шинжээчийн дүгнэлт, зөвлөмж, малын эрүүл мэндийн асуудал хариуцсан төрийн захиргааны төв байгууллагын саналыг үндэслэн Засгийн газар тогтооно.

2.4. Аймаг, нийслэл, сум, дүүргийн Засаг дарга хяналт, шалгалт, ариутгал, халдваргүйжүүлэлтийн байнгын болон хөдөлгөөнт цэгийг харъяа нутаг дэвсгэртээ байгуулж болно.



Гурав. Бүсийн болон хяналтын цэгийн мал эмнэлэг,
хорио цээрийн арга хэмжээ

3.1. Шүлхий өвчнөөр эрүүл-вакцин хэрэглэдэггүй бүсэд дараахь мал эмнэлэг, хорио цээрийн арга хэмжээг хэрэгжүүлнэ:

3.1.1. хяналтын бүсээр болон улсын хилээр мал, амьтан, тэдгээрийн гаралтай түүхий эд, бүтээгдэхүүн, тоног хэрэгсэл, өвс тэжээл, зорчигч, тээврийн хэрэгслээр халдвар дамжих, нутгийн гүнд тархахаас урьдчилан сэргийлсэн мал эмнэлэг, хорио цээрийн иж бүрэн арга хэмжээ авч хэрэгжүүлэх;

3.1.2. тухайн бүсээс эргэн нэвтрүүлэхгүй байх нөхцөлтэйгээр мал, амьтан, тэдгээрийн гаралтай түүхий эд, бүтээгдэхүүнийг мэргэжлийн хяналтын байцаагчийн хяналтын дор нэвтрүүлэх;

3.1.3. хяналтын болон шүлхий өвчнөөр тайван-вакцин хэрэглэдэг бүсээс мал, амьтан, тэдгээрийн гаралтай түүхий эд, бүтээгдэхүүн, өвс, тэжээлийн тээвэрлэлт, шилжилт хөдөлгөөнийг бүрэн хориглох;

3.1.4. үржлийн болон бусад зориулалтын мал, амьтан, тэдгээрийн гаралтай түүхий эд, бүтээгдэхүүнийг импортоор оруулахыг хориглох.

3.2. Хяналтын бүсэд дараахь мал эмнэлэг, хорио цээрийн арга хэмжээг хэрэгжүүлнэ:

3.2.1. шүлхий өвчнөөр тайван-вакцин хэрэглэдэг бүсээс хяналтын бүсээр дамжин шүлхий өвчнөөр эрүүл-вакцин хэрэглэдэггүй бүсэд халдвар тархахаас урьдчилан сэргийлэх мал эмнэлэг, хорио цээрийн иж бүрэн арга хэмжээ авах;

3.2.2. хяналтын бүсээс шүлхий өвчнөөр эрүүл-вакцин хэрэглэдэггүй бүс рүү чиглэсэн мал, амьтан, тэдгээрийн гаралтай түүхий эд, бүтээгдэхүүнийг бүрэн хориглох.

3.3. Шүлхий өвчнөөр тайван-вакцин хэрэглэдэг бүсэд дараахь мал эмнэлэг, хорио цээрийн арга хэмжээг хэрэгжүүлнэ:

3.3.1. бусад бүсийг халдвараас хамгаалах, эрсдэлийг бууруулахад чиглэсэн мал эмнэлэг, хорио цээрийн иж бүрэн арга хэмжээг хэрэгжүүлэх;

3.3.2. шүлхий өвчний голомттой, эрсдэлтэй малыг уг өвчнөөс сэргийлэх вакцинжуулалтад хамруулах, дархлааны хүчдэлийг тогтоох зорилтот шинжилгээ хийж эрсдэлийг үнэлж дүгнэлт гаргах;

3.3.3. зэрлэг ан, амьтдын шилжилт хөдөлгөөн, өвчлөлтийн байдалд байнгын судалгаа, талдалт хийж шаардлагатай арга хэмжээг хэрэгжүүлэх.

3.4. Хяналтын цэгт дараахь мал эмнэлэг, хорио цээрийн арга хэмжээг хэрэгжүүлнэ:

3.4.1. энэхүү журмын 3.1.3-т заасан нөхцөлийг хангахад хяналт тавих;

3.4.2. хяналтын болон шүлхий өвчнөөр тайван-вакцин хэрэглэдэг бүсээс шүлхий өвчнөөр эрүүл-вакцин хэрэглэдэггүй бүс рүү мал, амьтан, тэдгээрийн гаралтай түүхий эд, бүтээгдэхүүн, өвс, тэжээлийн тээвэрлэлт, шилжилт хөдөлгөөнд хяналт тавьж, таслан зогсоох арга хэмжээ авах;

3.4.3. шүлхий өвчнөөр эрүүл-вакцин хэрэглэдэггүй бүсээс гарсан мал, амьтан, тэдгээрийн гаралтай түүхий эд, бүтээгдэхүүнийг эргэн нэвтрүүлэхгүй байх;

3.4.4. шаардлагатай тохиолдолд ариутгал, халдваргүйжүүлэлтийн иж бүрэн арга хэмжээ авч хэрэгжүүлэх.

Дөрөв. Төрийн захиргааны болон нутгийн захиргааны
байгууллагын бүрэн эрх

4.1. Малын эрүүл мэндийн асуудал хариуцсан төрийн захиргааны байгууллага дараахь бүрэн эрхийг хэрэгжүүлнэ:

4.1.1. энэхүү журмыг хэрэгжүүлэх удирдлага, зохион байгуулалтын арга хэмжээ авах, шүлхий өвчний голомтыг устгах, тэмцэх, урьдчилан сэргийлэхэд шаардлагатай багаж, хэрэгсэл, эм, бэлдмэл болон мэргэжлийн боловсон хүчин, мэргэжил, арга зүйн удирдлагаар орон нутгийг хангах;

4.1.2. энэ журмын 2.1.1-2.1.3-т заасан бүсүүдийн мал, амьтны тоог гаргаж, жил бүр тандан шинжилгээ хийх зардлыг төлөвлөж санхүүжилтийг шийдвэрлүүлэх;



4.1.3. мал, амьтны шилжилт хөдөлгөөн, өвчлөлтийн байдалд байнгын судалгаа, тандалт хийж шаардлагатай арга хэмжээг хэрэгжүүлэх;

4.1.4. бүсийн зааг болон хяналтын цэгийн байршлыг шинэчлэн тогтоох саналыг мал эмнэлгийн асуудал хариуцсан төрийн захиргааны төв байгууллагад тавьж шийдвэрлүүлэх.

4.2. Аймаг, нийслэл, сум, дүүргийн Засаг дарга дараахь бүрэн эрхийг хэрэгжүүлнэ:

4.2.1. мал, амьтны шилжилт хөдөлгөөнд байнгын хяналт тавих, шаардлагатай тохиолдолд хөрөнгө, хүн, хүч гарган мал эмнэлгийн болон бусад мэргэжлийн байгууллагуудын үйл ажиллагааг удирдан чиглүүлэх;

4.2.2. жил бүр мал, амьтанд шүлхий өвчний тандалт, зорилтот шинжилгээ захиалгаар гүйцэтгүүлэн дүнг мал эмнэлгийн асуудал хариуцсан төрийн захиргааны байгууллагад хүргүүлэх;

4.2.3. хяналтын цэгт малын эмч, замын цагдаа, улсын байцаагч, ариутгагч нарыг томилон ажиллуулах;

4.2.4. хяналтын цэгийн үйл ажиллагааны зардлыг жил бүр орон нутгийн төсөвт тусгаж, хэрэгжүүлэх арга хэмжээ авах;

4.2.5. шаардлагатай тохиолдолд хяналтын цэгт ариутгал, халдваргүйжүүлэлтийн иж бүрэн арга хэмжээ авч хэрэгжүүлэх бэлэн байдлыг хангах;

4.2.6. шүлхий өвчнөөс сэргийлэх, хариу арга хэмжээ авах, бэлэн байдлыг хангах, эрт сэрэмжлүүлэх, хүн амын дунд байнгын мэдээлэл, сургалт, сурталчилгаа явуулах.

4.3. Аймаг, нийслэл, сум, дүүргийн мал эмнэлгийн хэрэгжүүлэгч байгууллага дараахь бүрэн эрхийг хэрэгжүүлнэ:

4.3.1. малын эрүүл мэндийн асуудал хариуцсан төрийн захиргааны байгууллагаас тухайн жилд тогтоосон хуваарийн дагуу харьяа нутаг дэвсгэртээ шүлхий өвчний тандалт, зорилтот шинжилгээ, дархлаажуулалтын ажлыг зохион байгуулах;

4.3.2. тандалт, шинжилгээгээр халдвартай, сэжигтэй нь тэгээгдсэн мал, амьтан, нэгдсэн Засаглалдсан бүтээгдэхүүн, тухайн эдийг устгах саналыг тухайн шатны Засаг даргад уламжлах;



4.3.3. мэргэжлийн байгууллагуудтай хамтран хяналтын цэгт ариутгал, халдваргүйжүүлэлтийг ДМАЭМБ-ын зөвлөмжид нийцүүлэн гаргасан шүлхий өвчинтэй тэмцэх тухай журам, зааврын дагуу хийж, акт үйлдэх.

4.4. Мэргэжлийн хяналтын байгууллага дараахь бүрэн эрхийг хэрэгжүүлнэ:

4.4.1. шүлхийн голомтыг устгах, мал, амьтан, тэдгээрийн гаралтай түүхий эд, бүтээгдэхүүн болон зорчигч, тээврийн хэрэгслээр дамжин халдвар тархахаас урьдчилан сэргийлэх үйл ажиллагаанд холбогдох хууль тогтоомж, заавар, журмын дагуу хяналт тавих;

4.4.2. мал эмнэлгийн хяналтын улсын байцаагчийг мэргэжил, арга зүйн нэгдсэн удирдлагаар хангах, мэргэжлийн хяналт хэрэгжүүлэх нөхцөлийг бүрдүүлэх;

4.4.3. үзлэг, шалгалтаар зөрчил илэрсэн тохиолдолд мал, малын гаралтай түүхий эд, бүтээгдэхүүний хөдөлгөөнийг саатуулж, тухайн шатны Засаг дарга болон мэргэжлийн байгууллагад яаралтай мэдэгдэн шаардлагатай арга хэмжээ авах;

4.4.4. мал, амьтан нядлах, малын гаралтай түүхий эд, бүтээгдэхүүн бэлтгэх, савлах, тээвэрлэхэд хяналт тавих;

4.4.5. хяналтын цэгээс бусад нутаг дэвсгэрээр мал, амьтан, тэдгээрийн гаралтай түүхий эд, бүтээгдэхүүн нэвтрүүлсэн, нэвтрүүлэхийг завдсан тухай ирүүлсэн мэдээллийн дагуу хяналт шалгалт хийх.

4.5. Иргэн, хуулийн этгээд дараахь үүрэгтэй:

4.5.1. мал, амьтан, тэдгээрийн гаралтай түүхий эд, бүтээгдэхүүнд малын эрүүл мэнд, гарал үүсэл, мал эмнэлэг, ариун цэврийн гэрчилгээ авсан байх;

4.5.2. хяналтын цэгээс бусад нутаг дэвсгэрээр мал, амьтан, тэдгээрийн гаралтай түүхий эд, бүтээгдэхүүнийг тээвэрлэх, тууварлах, малын шилжилт хөдөлгөөн хийхгүй байх;

4.5.3. мал, амьтныг байнгын хариулгатай байлгаж, арчилгаа, маллагааг сайжруулах;



4.5.4. малын эрүүл мэндийн үзлэг, урьдчилан сэргийлэх тарилга, танданшилгоо, вакцинжуулалт, ариутгал, халдваргүйжүүлэлтэд малаа бүрэн хамруулах.

Тав. Хариуцлага

5.1. Энэхүү журмыг зөрчсөн иргэн, албан тушаалтан, хуулийн этгээдэд эрүүгийн хариуцлага хүлээлгэхээргүй бол бүх шатны мал эмнэлгийн хяналтын улсын байцаагч холбогдох хууль тогтоомжийн дагуу захиргааны шийтгэл ногдуулна.

Ханг:

“Төрийн мэдээлэл” эмхтгэлийн редакци.

Улаанбаатар-12, Төрийн ордон 124 тоот

И-мэйл: turiin_medeel@parliament.mn

Утас: 262420, 329612

Хэвлэлийн хуудас 0.75

Адрес: 14603

